

Broj: 02-11.2-1130-1/23

Datum: 31.07.2023.godine

Na osnovu člana 44. Statuta Općine Gornji Vakuf-Uskoplje ("Službeni glasnik Općine Gornji Vakuf-Uskoplje", broj 1/01, 3/05), Odluke o izvršavanju Budžeta Općine Gornji Vakuf-Uskoplje za 2023. godinu ("Službeni glasnik Općine Gornji Vakuf-Uskoplje", broj 3/23), Općinski načelnik Općine Gornji Vakuf-Uskoplje objavljuje:

## **DRUGI JAVNI POZIV**

### **neprofitnim organizacijama i udruženjima za dodjelu novčanih sredstava u 2023. godini**

**I Predmet Javnog poziva** je dodjela novčanih sredstava neprofitnim organizacijama i udruženjima iz Budžeta Općine Gornji Vakuf-Uskoplje u iznosu od 10.000,00 KM, a u svrhu finansiranja/sufinansiranja projekata iz oblasti: nauke, obrazovanja, umjetnosti, izdavaštva, sporta, kulture, očuvanja tradicije, turizma, zaštita okoliša te projekti za mlade.

**II Pravo učešća i pravo na dodjelu sredstava** imaju registrovana udruženja i neprofitne organizacije, čiji su projekti iz oblasti koje su predmet Javnog poziva, a koja ispunjavaju slijedeće uslove:

- da su osnovani i registrovani u Bosni i Hercegovini,
- da je organizacija / udruženje registrovano za djelovanje na području općine Gornji Vakuf-Uskoplje,
- da je realizacija projekta od interesa za građane općine Gornji Vakuf-Uskoplje ili doprinosi razvoju i afirmaciji Općine Gornji Vakuf-Uskoplje i provode se na području općine Gornji Vakuf-Uskoplje,
- da postoji ekonomska i društvena opravdanost projekta koje udruženje predlaže i sprovodi,
- da je udruženje opravdalo utrošak sredstava za projekte odobrene u prethodnim godinama,
- da se predloženi projekti trebaju realizovati u tekućoj 2023. godini,
- da nisu dobili novčana sredstva po prvom Javnom pozivu objavljenom 15.05.2023. godine.

**III Obavezna dokumentacija treba da sadrži slijedeće dokumente:**

- Zahtjev za finansiranje na memorandumu organizacije / udruženja;
- Prijavni obrazac za OCD/NVO koji se nalazi na web stranici Općine Gornji Vakuf-Uskoplje ili u Službi za privredu/gospodarstvo i finansije/financije;
- Rješenje o registraciji udruženja / organizacije u BiH;
- Identifikacijski broj - ID broj;
- Plan prihoda i rashoda za godinu za koju apliciraju za budžetska sredstva;
- Završni račun od prethodne godine (Bilans stanja i Bilans uspjeha), osim ako je udruženje registrovano u godini objavljivanja Javnog poziva.

Jedna organizacija može aplicirati sa jednim aplikacijskim obrascem (projektnim prijedlogom) za kalendarsku godinu, kojim može obuhvatiti sve ili više svojih aktivnosti koje provodi u toku kalendarske godine.

Sredstva će biti dodijeljena u visini sa raspoloživim budžetom za NVO za 2023. godinu i Pravilnikom o načinu i dodjeli sredstava ostalim udruženjima – NVO.

Svaka organizacija / udruženje je dužna opravdati dodijeljena sredstva do kaja tekuće 2023. godine.

Prijavni obrazac sa kompletnom traženom dokumentacijom se mora dostaviti na protokol Općine u zatvorenoj koverti sa naznakom prijava na Javni poziv neprofitnim organizacijama / udruženjima.

Rok za predaju dokumentacije je 15 dana od dana objavljivanja Javnog poziva na oglasnoj tabli Općine Gornji Vakuf-Uskoplje i službenoj web stranici Općine Gornji Vakuf-Uskoplje.

Nepotpune i neblagovremene prijave neće se uzeti u razmatranje.

**OPĆINSKI NAČELNIK**  
**Sead Čaušević, prof.**

